





繡刻玉鏡記
定本

玉鏡臺記目錄

卷上

第一齣

開場

第二齣

宴會

第三齣

探姑

第四齣

議婚

第五齣

刺繡

第六齣

請婚

第七齣

下鏡



第八齣

成婚

第九齣

石勒起兵

第十齣

王敦失守

第十一齣

慶賞

第十二齣

新亭流涕

第十三齣

聞雞起舞

第十四齣

石勒稱王

第十五齣

詔聘大真

第十六齣

絕裾辭母

第十七齣

赴官

第十八齣

母妻思憶

第十九齣

渡江擊楫

第二十齣

郭璞仙術

第二十一齣

燃犀

玉鏡臺記目錄

玉鏡臺記上

第一齣 末上

燕臺春時序變遷滄桑翻覆乾坤幾見紛更唐虞
世遠人馳蠅利蝸名營營虛度浮生賴扶植綱常
維持名教中流砥柱眼底誰能○古今詞傳紛紛
迭出雕鏤矯揉蟲技轟轟更有朱絃囊錦鶯簧三
傳調古音清白雪陽春金聲玉振恁人聽憑君看
取雄詞驚四座壓倒羣英

沁園春潤玉佳人太真才子下鏡成婚適五胡作
釁神州陸沉懷愍北狩天馬南奔奉詔勤王絕裾
辭母夫婦萱堂兩處分與劉祖同心協力百戰淨
邊塵不意王敦叛逆詭將心腹誘強臣俾丹陽出
守聲罪致討妻孥陷獄難屈堅貞義感說客持書
寄鏡一怒鯨波盡削平離鸞合門迎具慶天祿永
承恩

下

第二齣

生扮溫嶠上

滿庭芳篤志希賢潛心樂道十年研究遺編靈椿

早謝萱草喜芳妍且慇懃菽水供子職膝下承歡
念良姻乘龍未遂種玉尚無緣

鷓鴣天

經綸學業

冠天人胸次才猷邁等倫韜匱久藏和氏璧潛
蛟猶未際風雲移巨楫霈甘霖要將經畧濟斯
民庭前愛日情尤重五綵難教易縉紳自家姓
溫名嶠表字太真世居晉陽先人諱愔拜河東
郡守母崔氏誥封恭人慈親內治有方坤儀合
則清白傳家不墮韋平世業詩書庭訓式追孟
母遺芳正是門無黃金聘家有白髮親溫嶠今

日正可承歡養志報效劬勞豈敢浮慕勛名遺
憂風木但室家未遂中饋乏人這也不須愁他
男兒只要苦志燈窓自有佳人求為匹配正是
娶妻莫恨無良媒書中有女顏如玉道猶未了
母親早上 老旦扮母上

逍遙樂逝景渾如箭瞬息韶光知幾轉孤鸞獨對

困窮年芝蘭未茂華韞無傳自慚孟母三遷生天

邊青鳥翩翩苑上紅芳爛熳合撫時對景且開顏

休將往事縈牽見介老旦浣溪沙幾載孤幃守短

繁辛勤教子未成名顯看奮翮鳴生罔極深

恩報未能孝思鄭重利名輕何心顧戀塵纓老

旦孩兒燈火十年勲庸未遂如之奈何生母親

功名外物何足為意佳景難逢不宜虛度幸喜

母親福壽並臻須當時觴慶

集賢賓生青陽初試寒氣軟東風簾幙輕翻柳外

啼鶯聲睨睨看上苑桃腮紅染韶華滿眼瑤島上

慶雲高現進酒合金樽滿須對此芳辰老旦酌勸

桑榆欲暮嗟歲短暗中跳擲金丸鏡裡瀟瀟青鬢

換只望你飛騰霄漢身揚姓顯庶把我斷機名聞

合前

猫兒墜生堂前母老正可戲斑斕麟閣浮名屬等

閒人生百行孝為先須憐趣此餘齡竭力承歡老

旦男兒立志期高遠投筆封侯真可羨休教戀戀

在田園休謙趣此青春快着雲鞭

餘文韶光明媚真堪戀只恐流年暗裡減為須早

着看花眼老旦孩兒從姑劉夫人孀居太原久踈

魚雁汝宜暫輒講習之功往彼一探以慰我內

外葭葦之情生母親慈命孩兒即便起程

生漫對花前捧碧卮老旦欄杆春日影頻移

生一番奔走風塵下合倏忽青陽又暮遲

第三齣 貼扮劉母上

薄倖髮謝蘭膏容虛鸞鏡庭除香滿紅芳掩映杜

重門幃空月冷旦扮劉女上清晝永雕欄獨凭倦

柔版綉絲無力奉慈幃昏定晨省貼九十春光忽

已半海棠枝上紅簪遍獨有未亡人偏驚物候

新旦香閨人靜悄清夜聞啼鳥晨起事濃粧殷

勤問高堂貼老身温氏夫主劉細官拜前朝節

度不幸棄世多年子現叨為當朝太尉干城攸

寄祿位崇高庶不負於先人可傳芳于後葉女

潤玉年方及笄未遂有家且喜德性幽閑工容

秀麗大則書數詞章小則拈針刺綉靡所不通

背觀他才貌兼全為須覓一快婿孩兒自從父

親喪後教育你兄妹成人受了多少辛苦

黃鶯兒風雨峭寒凝困孤幃已半生清燈獨秉黃

昏靜竿竿寡形淹淹暮齡松筠節操寒猶勁合強

支撐辛勤教子聊可繼簪纓旦花嶼曉歸青聽黃

鸚似管笙追隨幸值融和景萱花遶屏蘭枝蔭庭

華堂嘉瑞真堪慶合對芳晨持觴祝誦南極耀長

庚

簇御林老旦桑榆暮鶴髮星嘆朱顏易變更人生

聚散如標梗孩兒只恐怕青春易擲當知儆合細

叮嚀流光瞬息無逸是儀刑旦離襁褓初長成嘆

閨箴未諳經子儀姆訓須三省自兢兢勤慎戒荒

寧合前

菊花新

生上

布帆千里曳東風山色湖光圖畫中

逆旅次新豐盼龍門何日逢自家拜違萱堂來訪

姑氏不覺已到劉府怎的無人在此門上有片

雲板待我敲看丑扮梅香上生煩乞通報表侄

温太真相探丑報介門外有個温生來見貼是

表兄温太真你且迴避旦下生見介浣溪沙骨

肉參商歲幾更闕山渺渺暮雲橫遐思種種繫

愁城貼姑嫂當年離別輕至今衡雁渺無聲相

逢聊可慰衷情生小姪奉老母之命遠來探望

且喜尊姑容顏如舊五福俱全可慰吾母倦倦

之望貼遠勞垂顧途路風霜自從別來常常掛

念不知吾嫂近來安否何如

好姐姐

生

自從朱陳締盟關河渺迢迢修綆音塵

阻絕雙雁隔雲萍

合

合欣幸幾年踪跡潛形影今

日重逢喜氣盈

貼

老身孀居可矜念孤兒牽名邊

境深閨弱息及笄未施衿

合前

梅香綉房中引出

小姐拜見温兄

旦上

綺窓把綉絲暫停將母命金

鈿重整忙移蓮步

做羞見退介

羞臉怯趨迎

貼孩

兒內外至親何須羞避過來相見 見介合 合欽敬

義屬葭苕慇懃着悃誠 貼 孩兒温太真廊廟之才

瑚璉之器 以當誌之 太真他是當時俊英况又有

闕闕門屏一朝騰踏唾手覓公卿 合前貼 賢姪既

蒙光降暫畱賓館一則可以款叙濶情二則可

以温習經史不必阻推叫書童引去

生 幾年踪跡隔衡陽 旦 不見渾如參與商

生 今日不知何夕也 貼 與君共此燭燈光

第四齣 末扮院子上

曾是皇家幾世侯入雲高第照神州柳遮門戶

橫金鎖花擁笙歌咽畫樓小人乃是劉太尉府

中一個院子昨日奉老夫人嚴命叫我洒掃院

落整理圖書設南洲之榻開東閣之筵以候温

公子若論我相公累代富貴真個門闕冠層霄

家聲盖六合怎見得但見千尋甲第數尺棖題

飛棟逼丹霞嵬簷參碧落髣髴臨春結綺參差

得月齊雲遶城波色樓臺湧滿座山光劍戟搖

桂苑蘭宮緯布三辰之秀金鰲玉宇聯鍾五岳

之英簾幙捲東風翔集遷鶯賀燕軒楹廠南岳
爭看起鳳騰蛟四十里紫絲步障綺陌輝煌疑
是蓬萊閬苑十數枚照乘明珠夜光燦爛渾如
貝闕龍宮千斯箱萬斯倉歛粟帛如山積脂爲
壁蠟爲薪等黃金同上價日食萬錢難下筋盡
堂內簪履三千真珠三斛買歌姬綉屏前金釵
十二只見桃李滿門墻真個珠璣列華屋謾誇
富貴繁華且說書齋景致但見雪案溶溶塵埃
絕跡芸窓湛湛香霧烟凝架插金藤八萬卷積

案象風雲几盈玉牒三十束連編形月露翠幕
中收貯錦囊綺籍何殊天祿石渠芸閣內珍藏
玉軸牙籤賽過同文翰苑燃青藜以照夜明燭
奎文繼日畧而焚膏光傳太乙鳳銜揮碧落筆
陣花生五色文龍壁起雲烟墨池紋湧三層浪
看他累朝科甲相仍賴此書香遠繼果是鎮家
寶藏豈應獨羨羸金鋪設已完公子早上
未下

風入松

生上

并州客子憶咸陽更目斷衡湘蘋蘩

無寄堪惆悵溫清隔問音疎曠晉接喜開東閣夢

三金臺詩
竟只在高堂堂上舞衣悲乍冷卿雲望望無鴻影
主人傾蓋雖多情王孫豈敢忘歸省小生蒙姑
母畱止賓墀禮意勤懇但心繫北堂不安寢食
不免乘此清閒遍觀臺榭博覽羣書消遣旅懷
則個

解三省我抱經綸久辭鶚薦冲霄志暫戢修翰只
因萱室桑榆短甘養志與承顏窮經須把分陰惜
論道還當希聖賢勞黽勉須學取簞瓢陋巷暫樂
田園昨見表妹才貌無雙觀此窈窕之淑女堪爲

君子之好迷弱冠未諧中饋選綉幙紅絲尚未牽
瓊樓美人多婉孌我欲將白壁種藍田只恐月下
書難檢紅葉題詩誰與傳空懸念怎得那吹簫秦
女跨鳳乘鸞

霜天曉角

貼上

高軒垂聘下榻忙承應雜佩慚無

相贈休教彈鋏生嗔

見介

賢姪陋室荒村飲膳涼

薄多慢多慢

生

寒儒重蒙厚款心甚不安將欲

告辭歸矣

貼

請留數日老身有一切已事相干

未敢啓齒

生

愿聞

貼

自古道男大當婚女長須

嫁潤玉年已及笄要覓一婿斧柯之任相屬何
如生背呀小生正有請婚之意未敢擅言今蒙
委及不免乘機而發姑母佳婿難得欲求其人
如嶠比者何如貼背介太真初來吾已注意只
恐孩兒乏德非配故此逡巡未發今觀此言渠
亦有意賢姪吾女卜婿豈敢希汝爲比倘果得
如温郎三生幸也

咏木兒

貼

吾女呵他有松筠操冰玉顏燕婉難逢

甥館閑仗冰人懋選東床使吾女獲配英賢庶不

負侯門鈞眷吾女果得婿如温郎呵正是孟光得
遇梁鴻選好教他舉案齊眉傲鳳鸞生令愛呵他
是瑤池侶玉籍仙相府門楣誰不羨只恐着瞻闕
難登誰敢把丹桂高扳背介此緣若非温嶠其他
豈佳偶也鳳卜鸞盟須自薦女貌郎才應無忝不
枉了千載奇逢宿世緣背介既以受委暫且承命

姑母温嶠此夫卽當慎擇賢才以充其選貼多

謝生奉命臺前議結親貼伐柯執斧總憑君生

再三不用親囑付料想也是會中人生下貼吊

三金言
場梅香叫老院子過來末上有福之人人伏事

無福之人伏事人覆老夫人喏貼院子我已分

付温公子與小姐選婚你可去結綵樓開綉幙

若有青年才子如温生者方許應選末老夫人

差矣門下既有温郎天下才子無出其右何不

就將小姐嫁他又令擇之他處正所謂道在迤

而求諸遠矣丑自古道見鐘不打又去尋銅今

温郎青春年少小姐美貌芳年天生一對夫妻

老夫人快招他做姐夫好帶挈梅香哩貼你二

人之言皆有理但男女非行媒不知名非受幣

不交親我於温郎非無此意但媒聘未通難以

出言你且設餌待魚若有天緣自當契合

貼孔雀屏開燭影紅末會看佳婿近乘龍

丑有緣千里能相會合無緣對面不相逢

第五齣旦上

花心動日上紗窓對菱花并總雙蛾濃畫輕拂羅

衫低垂簾幙高堂問寢初罷丑扮梅香上傷春兀

自無聊賴侍巾箱勤勞炊爨守箴規不出閨門之

外 畫堂春

旦

東風吹柳日初長
雨餘芳草斜陽

丑

杏花零亂燕泥香
睡損紅粧

旦

寶篆暗消蘭麝

畫屏縈遶瀟湘

丑

曉寒輕透薄羅裳
無限思量

旦

奴家生長閨門克遵姆訓
綉幙低垂不啻繁

華春色重門深鎖
惟貪針指工夫
昨日溫秀才

來看母親偶尔一見觀他丰姿秀麗
禮度雍容

真廟廊偉器誠恐蛟龍得雲雨終非池中物也

丑

小姐溫公子有宋玉之才潘安之貌
小姐何

不告過老夫人就招他爲姐夫却不是好

旦

賤

人無耻女子之嫁也
母命之老夫人未有此意

怎麼叫我開得口

丑

小姐自家難說待秋蘭去

告老夫人何如

旦

呀這婚姻事豈是你小賤人

說得的你好好去安排綉床隨我學習女工便

了

丑

小姐你又苦惱我也

旦

賤人執麻桌治絲

繭都是你分內事有甚苦惱

丑

小姐你滿頭珠

翠遍身綺羅何不自享安逸務要苦自勞神

丑

豈不聞詩有幽風之規書有無逸之戒自古帝

后王妃尚然不費蚕織何況於我我今日豈可

恃此富貴而溺於宴安乎丑小姐極是只是秋

蘭春心蕩漾天氣困人其實當不得這勞苦旦

賤人不知勞者不久逸你今日若不幸苦怎得

後日安樂今後再不許說此話我若告過老夫

人好生懲治你這賤人丑小姐見怜秋蘭再不

敢了刺繡介旦

桂枝香拈針綉線輕鋪巧幻繡成黼黻文章和那

色絲黃絹看日遲晝長日遲晝長風薰羅幔稍覺

意慵心懶丑小姐你且休息休息旦莫偷閒簷前

寸晷難畱住花影俄然上畫欄丑紅消翠減神疲

力誦綉不就鸞鳳雙飛和那鴛鴦作伴謾停針暗

傷停針暗傷惹得我芳心繚亂長吁介好苦呵受

人羈絆轉憂煎人生浮世如春夢何苦營營悞少

年旦姆儀婉變須當黽勉賤人你休惹着飛絮游

絲閑藤野蔓為婦人女子呵惟勤組紉惟勤組紉

何須扼腕休辭勞倦聽吾言飛花任自隨流水蘭

蕙依然春自妍丑娘行懲勸懃勞何憚從今收斂

春心再不把紅綃寫怨任流鶯亂啼流鶯亂啼蜂

狂蝶戀何心顧盼更拳拳抱衾甘受宵征苦流落
黃裳最可憐

旦 庭院重重春晝深 丑 隔窓斜日轉花陰

旦 停針默默嬌無語 合 徒倚欄杆思不禁

第六齣 未扮院子上

金屋深沉貯阿嬌吹簫秦女鞦韆雲翹早教翡翠
聞王母不許烏鳶噪鵲橋受人之托必當終人
之事老夫人差我結綵樓選婿發放要如溫公
子這等人才方許赴選東床只怕難得遠遠望

見一人擺將來了看何如 淨扮富翁上

普賢歌 田連阡陌氣豪迂囊裡黃金積有餘石崇

那罕稀陶朱總不如彩鳳求凰吾是侶人人嘲我

守錢奴豪富冠神都營營錢樹子孳孳盜跖徒

孔方結兄弟金穴乃我居聚歛鴟夷子征商賤

丈夫貪婪如劫奪竊取勝穿窬但知金玉貴那

曉聖賢書 未 又道人不通古今馬牛而襟裾 淨

笑介 只求倉廩實誰笑腹空虛文君如選婿我

是馬相如 未笑介 只怕外相如內不相如又有

一位來了衣服且是齊整

丑扮公子上

水底魚兒蔭襲勳資家聲振九衢風流豪俠門盈

駟馬車俺自家貴介本官餘膏梁環綺襦世世襲

華轂潭潭府中居生來靠祖父身不負犁鋤肺

腑藏白曳形骸血肉軀意度頗驕縱物色何豪

腴侯門選才子我是千里駒

末

只恐君才非良

馬磨中之黔駒

丑笑介

笑罵從他口好官我爲

之

淨丑

我二人一富一貴名門大族聞知府中

招婿特來赴選

末

二位家勢果是當今第一只

一件老夫人道小姐有傾國傾城之貌不可容

易許人定要考一考

淨

考不難小子有不醉之

量兼人之食人人號我酒囊飯袋那怕搞

丑小

于更高日食一萬錢夜傾三百盞人人號我舖

啜之徒隨你搞

末

二位乃飲食之人食粟而已

非是搞酒飯要考才

淨

這個一發不打緊我家

貨殖致富資擬王公人皆稱我爲多田翁真是

菽粟盈太倉黃金滿中庫

丑

我家祖父在任場

民膏血捲起地皮真個位高金多胡椒八百石

鍾乳三千斤若要考財我二人最多未又道不

義之富貴於我如浮雲我說的非是雙財要單

才淨腰纏十萬貫此乃是担財未不是要你肚

裡的才丑身居黃金屋口食千鍾粟這不是肚

裡財未二位說來說去只說金銀我家不要金

銀只要詩文淨杜詩李詩不如細絲韓文柳文

不如松文古人道得好黃金置身貴文章不療

飢又道純褲不餓死儒冠多悞身古人說話那

一句不說錢財好要甚麼文才未我太尉是詩

禮之家與別人不同只要書不要財丑你就說

書怎見高財怎見低未書有香銅有臭二位乃

人間臭物請退請退淨

駐雲飛我富擬王侯金谷園中名最優囊橐多豐

厚喬木吾稱首啖肥馬與輕裘朱輪輻輳爭奈路

阻藍橋玉兔空杵臼自訝明珠惜暗投丑畫轂鳴

騶紈褲相仍逞貴游世祿誇勳舊冠蓋稱華胄啖

聲勢盖皇州丰姿魁秀爭奈夢斷陽臺雲黯巫山

岫花落無心逐水流未綉幕紅樓好選英賢作好

迷淨如今做親的只貪財主未銅臭非佳耦丑如

今做親的只貪官家未乳臭非良友啖野鷺豈鸞

儔名珠難售怎教窈窕佳人流落庸人婦正是紅

葉無情出御溝下淨丑親事不成回去回去釣罷

綸收此處無魚別下鈎種玉難成就待兔空株守

茶無分探瀛州空教仰斗下第歸家季子顏何厚

難洗今朝一面羞

淨侯門有女選郎才未內俗子無緣莫入來

丑夜靜水寒魚不食合滿船空載月明回

第七齣貼上設綉幙

金瓏璫門闌增喜慶鵲橋高駕瓊楹占鳳卜聽鸞

盟旦繁花團綉影綺羅簇擁金屏絃管沸瑞烟凝

貼手捲真珠上玉鈎重重步障罩紅樓青鳥未

傳雲外信思悠悠旦綉幙層層繫綵毬天桃灼

灼覆瀛洲結悅未堪承母命竟含羞貼孩兒前

日委托太真為汝選配未見回報梅香蘭房錦

瑟花燭綺筵不知完脩了未丑伏老夫人俱已

完脩了貼

鎖南枝

你看蘭房裡錦瑟傍香風瑞烟迥幃帳結

綺候仙郎三星照羅幌桃腮艷蓮炬煌弄玉已乘

鳳簫郎早臨降

旦

開寶匣壓錦粧鴛幃鵲屏總羞

向採藻幼何當結繭心悒快我若離了膝下呵晨

昏裡誰奉養戀戀在萱堂難教我暫踈曠

生查子

生帶玉鏡上

淑女選才郎門閤誰能稱自

薦入東床玉鏡聊為聘自家謹承姑命選擇門楣

我思量起來以表妹之貌配温嶠之才真為天

作之合豈可令他人得之今去見姑母竟當自

薦以此鏡為聘成就這段佳姻有何不美梅香

通報

貼出幕前見生介

所托之事今竟何如

告姑母已得人矣門第才望不減如小生

人

生便是温嶠

貼笑介

老身久有此意莫非天

也既如此就令小女事君以執箕箒

上生出鏡介 荷蒙不鄙愧乏白璧黃金止有玉

鏡臺一面以為聘禮

鄙人幸蒙不遺葑菲得與館甥之選竊恐有玷

名門貽羞淑女

貼太真說那里話小女蒲柳之

姿得事君子正謂門闌多喜色女婿近乘龍何
須過謙叫介孩兒多承太真不棄汝身得有所

托過來相見旦含羞投扇笑介我固疑此奴今

果如所卜下丑小姐招得這個好郎君十分歡

喜莫說小姐歡喜衆梅香皆歡喜笑下貼

香柳娘喜門迎席玳門迎席珍冰清玉潤汝二人

匹配可謂相宜佳人才子堪合色汝金玉可親金

玉可親懷抱濟川才胸中飽經蘊合況渭陽舊姻

渭陽舊姻世結朱陳堪諧秦晉生我本愴荒鄙人

愴荒鄙人才非英雋布韋未及明時奮荷高門汲

引高門汲引甥館迭爲賓何當此榮進合前

生昔年曾向玉京游生一飲瓊漿意氣投

貼今日得成秦晉約合早教織女會牽牛

第八齣貼上

傳言玉女寶鼎烟迷紅雲呈瑞畫堂前重裊疊翠

牛郎和織女今夜鵲橋重會標梅初實桃夭時值

院子何在末上帳前新綰鴛鴦帶堂上初開玳

瑁筵雲滿巫山峰十二門迎珠履客三千伏老

夫人有何使令貼今日與小姐畢姻筵席安排了貼未末安排完備了貼怎見得末西江月但見

翠幄金屏燦爛寶璫玉珮鏗鏘珊瑚枕上綉鴛

鴦花底香風蕩漾○玉瑣平鋪紈袴青墀昇沸

絲簧洞房花燭夜燦煌爭看神仙儀仗貼有甚

麼酒饌末臨江曲雞距猩唇羅五昇紅肥錦縷

飛霜肉臺盆內總膏梁玳庖調玉膾仙府飫瓊

漿○玉薤流霞蘭葉翠烟浮蟻綠鴛黃蘭陵美

品爵金香松醪盛玉碗結盞候仙郎末下貼請

親母新郎出來老旦上

女冠子高門垂庇蓬茅頃刻生輝生上風雲未際

鰥生未遇姻婭承恩慚非佳婿老旦請新人出拜

堂旦上粧罷還羞愧桃腮紅襯蓮步輕移合陰陽

今托始千載奇逢人生得意夫妻對立介丑揭蓋

頭介唱三尺紅羅覆綠鬟蓋頭高揭露朱顏嬌

羞歛衽低頭立俊俏才郎偷眼看囉噠哩囉噠

丑唱拜淨竊以窈窕佳人委實蘭房之秀象賢

庶士乃為席上之珍迓者神相其成天作之合

一雙兩好綢繆宜合於瑟琴二姓百年燕婉喜
諧乎伉儷噦噦今桐岡之鳳閑閑焉河上之鳩
于以采藻于以采蘋克謹蒸嘗之薦載弄之璋
載弄之瓦早膺莞簞之祥伏願姑嫜交慶家室
攸宜螽斯秩秩麟趾振振 拜介
禮儀已畢夫婦
請飲交杯酒 生

畫眉序繡幙繫紅絲畫燭行行照羅綺愧塵凡何
幸獲配仙姝遶銀屏隊隊紅粧列華屋繩繩珠履
合良緣喜下粧臺鏡庭前彩鳳來儀 旦鋪翠壓瓊

脂玉樹交加結連理慕荆釵德耀舉案齊眉愧我
非金屋嬋娟喜得遇象賢公子 合前老旦下嫁屈

王姬賢助真堪主中饋見門盈百輛化洽關雎幸
喜得種玉連城須及早鳴珂帝里 合前輪御結矜

襦孔雀屏開締佳士看東床坦腹慶洽門楣產嘉
瑞天上麒麟新物色門墻桃李 合前丑

滴溜子郎君是郎君是燕山桂枝小姐是小姐是
飛瓊伴侶雙雙同諧伉儷匹配總堪奇如魚似水
管取熊羆早叶夢裡 生旦

太和佛帶結同心花共蒂聯袂酌金卮瑟琴在御

夫唱婦相隨偕老百年期合齊看取佳人才子兩

相宜貼老旦銀海瓊舟浮綠醴人人如在瑤池香

生枕簟今夜花燭共歡娛他年金榜標名字合齊

慶取佳兒佳婦世間稀合

雙勝子蘭房裡蘭房裡春光好花容媚瑤臺上瑤

臺上笙簧巧歌聲細銀缸爛銀缸爛香篆瀾香篆

瀾看交盃酬勸飲醉扶歸

餘文山盟海誓今宵締美貌芳年正及時樂事人

間能有幾

生雙星今夜渡銀河旦喬木枝頭繫女蘿

老細看月輪還有意合定教丹桂近姮娥

第九齣淨扮石勒同卒上

北點絳唇蓋世英雄風生叱咤真驍勇番漢雲從

輦鼓漁陽動秉握乾符起遠陞帳前初建九旂旗

丈夫志氣掀天地鬱鬱安能守一隅自家姓石

名勒表字季龍世為西番部長自歸晉后遷居

上黨經今數世臣節不虧近因司馬氏骨肉相

殘紀綱廢弛九川輻裂四海昇沸俺自起兵已
來旬月之間衆至四十餘萬一鼓已下常山鉅
鹿數郡并州諸胡羯盡皆歸降如今就要起兵
約同刘耀長驅中原不免叫出謀主張賓大將
石生與他相議二臣何在外扮張賓上受圖黃
石老學劍白猿公丑扮石生上摧鋒萬人敵畧
地兩隅空外丑伏將軍有何分付淨張謀王你
可同石生統領大衆約會始安王刘耀攻取洛
陽執了晋帝中分天下星夜就道不可有違外

丑領鈞旨淨

北雁兒落率五丁振旅出幽并驅千乘闖外承軍
令拂青萍光射斗牛星敲金鐙聲振空山應外陣
前兵列着六花形馬上旌藏着雙燭影任縱橫虎
闖與龍爭肆憑陵拓地收藩屏丑

得勝令烈轟轟羯鼓震天鳴沸騰騰鐵馬追風騁
亂紛紛犀象壯軍聲密密層層旗燾遮天冥奮武威
北伐南征國破城平直待要立馬吳山頂真個是
將猛兵勅入中原遷周鼎末氣崢崢跨海噬長鯨

喧赫赫飛騎過葱嶺黑黯黯蠻雨暗江汀白茫茫
瘴霧迷山徑喊一聲日墜天傾地裂山崩管取一

戰定東京怕甚麼天府金城早教晉君臣來繫頸

丑挾槊彎弓馬上飛

末攻城畧地運謀機

淨早教大將揮神筆

合定見降王走傳車

第十齣

淨扮王敦上

番卜算禦侮握兵權衛國居垣翰羣胡分道寇中
原朝野皆驚眩承恩坐鎮洛陽城奕世勤王國史
稱夜捲牙旗千里雪朝飛羽騎一河水下官都

督王敦是也從兄王衍官爲司徒王澄官爲司

寇世稱三窟因國內搔動朝廷勅俺都督中外

諸軍鎮守中原昨報刘耀石勒分道南侵兵勢

强盛河北諸軍盡皆敗衄今已渡河將至城下

天子議欲避兵未知何如兵技你可傳令五城

諸將士堅守城池不可輕忽

丑末

領鈞旨

淨准

備鞍馬待我巡警一番

巡介

紅綉鞋强胡劉石呼延呼延連兵入寇中原中原
雲雕鐵騎兩紛然旗蔽日鼓喧天傾上郡破重關

末丑 皇城守禦惟艱惟艱移文急召兵援兵將
軍且請展愁顏增樓櫓固城垣堅甲冑整旗旛外

扮探卒上

天殃危社稷烽火及甘泉告都督劉

耀石勒攻破宣陽門天子及六宮妃嬪盡皆被

執丞相周顛等從數騎突出東門而去都督作

急點起軍兵去奪御駕趨快趨快

淨

天那這等

大事如何支撐

包子令膽喪魂驚心憤亂心憤亂裂冠毀冕困腥
羶困腥羶乘輿覆轍遭天譴思量臣子有餘愆有

餘愆

合

須戮力轉日回天轉日回天

末丑

正氣掃地

山河變山河變君讐誓不共戴天共戴天裹滄泣

血還百戰三軍怎敢暫偷安

合前淨

衆將士你可

各牽輕騎問道啣枚疾速邀截石勒劉曜那厮

歸路努力奪回聖駕六宮后妃公主賞以萬金

爵以萬戶

末丑傳令介衆

告都督衆將士皆胆

戰心驚無人敢去

淨

既如此京城已失敵鋒方

銳不免收拾敗殘軍馬奔到江東去罷

漁陽烽火照函關

玉輦匆匆下北山

百二山河成破碎

蒙塵天子幾時還

第十一齣

生上

錦堂春風暖鶯聲巧嘯雨餘階下苔班茶藤架上

紅方綻正值艷陽天

旦上

紅杏枝頭春鬧珠簾曙

影斜穿惜花祗恐花飛片隔竹怯啼鶻

生

蝶戀花

無情日月双丸跳轉眼韶光又是清明候春照

水波明已透芳郊常恐花枝瘦

旦

人世難逢開

口笑問柳尋花好景休辜負鳳瑟鴛笙時合奏

對花正值人年少

生

娘子你看春滿郊原滿花

如錦可備筵席請岳母母親同到南園翫賞以

叙天倫之樂多少是好

旦

筵席俱齊備了

生

既

如此請二母出來

老旦上

清平樂 流光似箭鏡裡容顏換又報南園春過半

浮世真如夢幻

貼旦上

剪剪風生繡幙微微雨過

欄杆且共看花梓澤何須去訪桃源

老旦

春院懶

懶睡起遲三竿紅日上朱扉

貼

重門深鎖無人

到惟有呢喃雙燕飛

老旦

親母孩兒既蒙招贅

老身又辱併蒙華居厚膳何以克當

貼

骨肉至

親何分彼此賢婿請我二人出來有何話說生
告岳母母親天地爲萬物之逆旅光陰乃百代
之過客浮生若夢爲歡幾何當此和煦天氣品
物咸亨安排蔬酌同到南園賞花觴詠以樂天
年貼老旦佳景難逢青春不再既有此舉甚合
兩心便可携觴同往行介此間就是南園了合
只見萬種奇葩呈艷麗十分春色在枝頭好景
物也呵將酒過來生

錦堂月麗日江山春風花草繁華幾經過眼九十

風光回首又逾強半嘆浮生忙裡推遷憐暮景暗
中頻換合金樽滿聽取花下笙歌捧觴酬勸旦堪

觀橋梓陰連萱花秀毓交加雨露鮮妍桂蕊蘭香
韶華佔斷名園連理樹並蒂交枝比翼鳥雙棲同
縮合前老旦凭欄琴瑟調絃斑斕戲彩花前擲舞

踰躑拾翠尋芳嚼盃且自消遣孩兒休長恁林壑
投閒須早把桑弧射遠合前貼開簾九棘森然三

椽掩映羨墻禮樂相傳更冰玉生輝門楣婿館多
賢閑庭畔遲日暄長塵夢裡餘光影短合前生

醉翁子堪戀國色與天香綴滿摘花與旦插介須

摘取花枝滿頭插遍旦欣忭向金谷叢中對酒高

歌同繼綵合歌聖善愿壽考無疆永保團圓老旦

黽勉看我兒材器如瑚璉你須奮翮鵬程策名金

殿貼襄贊看時事多艱怎忍懷寶迷邦袖手看合

前貼老旦

僥僥令鳳簫聲漸緩柘袖舞初闌生旦不覺楊柳

樓心歌殘照扇底落東風盡醉酣貼老旦獸爐銷

玉篆綺席徹犀錢生旦只見鞦韆影落欄杆晚飛

蓋與游疆尚纜牽

餘文歡歌永日猶嫌短傍花隨柳過前川偷得浮

生半日閑

人生七十古來稀 日向花前盡醉歸

傳語東風共流轉 暫時相賞莫相違

第十二齣末扮院子上

廟堂無策可平戎坐使甘泉照夕烽寶鼎銅駝

荆棘裡龍樓鳳閣忝離中小人乃王都督手下

的便是前日隨都督鎮守中原兵敗奔來江左

痛想國家被兵之時真個好慘傷也呵只見那
蜂蟻成屯豺狼載道鳥飛不下獸挺亡羣風烈
今日曠山崩兮水沸利鏃穿腸血滿長城之窟
驚沙撲面屍填巨港之涯數代衣冠淪於左袵
兩朝豪傑沒入古丘曉日空殘壘堪傷滿目荆
榛夜月迥頽垣忍見高卑陵谷二帝塵蒙洛邑
江山千里暗百僚鼠竄咸陽宮殿三月紅發掘
諸皇陵誰收暴骨焚燒九太廟盡化飛灰失耕
隴畝鞠爲麋鹿之場無主寢園遍是莓苔之境

真個世運厄陽九干戈禍生靈好苦呵何時一
掃胡塵靜太平重見漢官儀今日都督分付整
頓筵席於新亭請王司徒周司徒劉太尉三位
老爺飲宴商確朝政筵席已完都督早上

王敦上

淨扮

出隊子神京捍禦推轂承恩總六師背城百戰苦
難支竭力輸忠心無二一點丹衷神人鑒知九重

城闕迥烟塵回首中原嘆陸沉自顧勤王曾百
戰捐軀空自建奇勳王敦捍禦京國晝夜血戰

出萬死得一生奈何孤旅難支遂致失守及帝
后播遷急欲遣騎邀回聖駕只因士卒破胆不
能用命以故無成若論我今日擁衆來奔新朝
當有不次之待反聽刘隗刀協之徒竊弄威柄
將我補天浴日之功棄而不錄思之不能無怨
也罷罷此是國家正當危急之際不宜自立異
同姑且勉力匡扶待闕河平定別議之耳左右
的酒席完備了未末完備了淨請各位老爺出
來末下外扮王導上

滿庭芳國步艱難憂如天墜誰爲王家死綏

小外

扮劉琨

上

戎馬在郊羽書日夜交馳

末扮周顛上

太阿柄倒持南冠無奈北風吹合堪悲處舊京何

在人民城郭都非

見介外

列位大人夷狄亂華宗

國傾覆吾等食人之食不能死人之事寧無愧

於心乎

小外

自古道主憂臣辱主辱臣死若論

二帝受此困頓吾儕分當捐軀赴難以全忠節

但恐自喪溝瀆無益於時故且忍耻偷生以圖

恢復列位大人我與你須當盡心竭力期復大

讐不可苟安歲月坐失事機淨只一件方今刘
石盛強難與爲敵只宜畫江固守以保宗社况
江東幅員數千里借使無失黃河以南猶可作
龜茲國何憂之有將酒過來外

江頭金桂此時何時敢耽盃酒自羯虜窺覬神器
胡塵四塞迷頃刻把中原板蕩冠履倒置黎民無
子遺只恨我生不逢時淪胥顛沛况我備員樞軸
休戚攸關焦思苦心當自勵敢素飡尸位素飡尸
位須鞠躬盡瘁是何時從頭收拾山河舊天外重

將落日揮

未

仰見三辰失位神京九鼎移自從虜

馬飲江滄桑遷變指顧江山漫非舊日之景可傷
可傷携手憑高睇盼風景不殊舉目有江河之異
流泪介外呀周大人休得悲傷我與你當共戮力

王室克復神州何至作楚囚對泣乎未

猛然間觀

物興悲早不覺潜然流涕列位大人我自愿漆身
吞炭嘗膽臥薪同心協力期雪耻須軟血爲誓軟
血爲誓軟血介冰霜堅志强維持還將破碎乾坤

整沙漠重迎二聖歸小外

那日把金甌輕毀周京

遍黍離回首故都何處親舍千里白雲遙指在天

際外劉大人自古爲國者不顧家今天子安在敢

言親乎小外列位大人說得是只爲王室凌夷不

遑戀桑梓那日二帝北狩之時呵追想牛車北去

俛首羗氏攀轅滿城空淚垂人生值此大讐何用

生爲恨不得見危授命見危授命殺身全義自思

之還須射却天狼落會見漁陽無鼓鼙淨想那日

王師失利金湯瓦解危忍見生靈百萬肝腦塗地

教我奮身空捍禦怎當得虜勢滔天三軍奪氣直

似泰山壓卵膂力難持倒戈望風空潰圍爲今日

之計呵且畫江固守畫江固守暫作偏安之計自

遲疑吾曹縱有擎天手只恐大厦終非一木支小

外末都督此計左矣我晉朝非在上者無道良

由宗室爭權自相魚肉遂使犬戎乘隙毒流中

土今遺民思奮若能命將出師遠近豪傑必望

風響應何故區區作自守虜乎外二位大人言

之極當小外又一件二帝在北不宜恣然須當

時復遣問起居以盡臣子之義小外

憶多嬌國破裂君難急青衣之耻猶未雪逋臣此

恨何時竭合壯懷激烈甘為嵇侍中血未天柱折

地維缺一江南北乾坤別遙看朔漠心如噎合前

闔黑麻外只愿江左羣寮心孚契結狗國忘家忠

肝似鐵收疆土恢帝業麟閣圖形燕然勒碣合寸

心迫切衷腸似火藝聽取江流聲如哽咽淨若論

我文武才猷為時俊傑兄弟桓桓世稱三窟朝廷

若能我我扶宗社驅胡羯再造乾坤重援覆轍

合前外刘大人下官昨日舉保祖士雅為元帥足

下為副帥興兵北伐銅符已下刻日請行小外

既有詔命下官就與祖公同行便了

淨鼎湖龍去洛城崩未擾擾乾坤幾戰爭

外獨使至尊憂社稷小外諸君何以荅昇平

第十三齣外扮祖逖上

夜游朝悵望中原成慨嘆何忍見生靈塗炭生世

不辰遭時多難何日裡掃清帝輦虜寇日騷動于

戈卒未休中州王氣盡江漢水聲愁泣血瞻河洛

臨危駐石頭云何舒國難徹底副君憂祖逖表字

士雅范陽人也少負奇才素有大志爲長安傾覆
率部曲渡江上書自陳恢復之策蒙聖恩擢居元
帥征西大將軍鎮守雍丘着刘太尉參贊機務近
因新朝荐遭離亂物力疲弊不給兵廩鎧杖使我
自往召募卽今內無資糧外乏救援單弱如此大
事何由克濟曾記古人有一旅中興三戶創業者
兵家運用之妙存乎其人豈衆寡強弱之足計哉
此行但當以忠烈感激將士使知順逆庶幾義聲
昭彰理直氣壯師出有名大功可就矣今日銅符

已下命駕有期已遣人去請刘太尉到此秉燭夜
談怎的還未來軍校伺候着

小外上

玉帳承恩叨

帝眷參幃幄出鎮雄藩兵甲胸中指揮羽扇管教
青海無傳箭通籍金鑾爲輔弼坐籌玉壘寄干城

自家蒙聖恩除爲副帥領兵北伐如今往參元
帥以定出師之期

見介外

昨日新亭有何高論

小外諸公無非忠義都督王敦非惟不能爲國
分憂且有悖逆之語觀其造意中蓄不臣竊恐
外難未靖而蕭牆之禍復起奈何奈何

外王敦

狼目豺聲終當叛亂但智識庸下吾輩若存足
可以制之何慮之有 小外 元帥言是請問雍丘
之行何日 外 庶事草創倉卒難行如今且往淮
陰屯田開治待兵糧脩足器械精利然后刻期
而發今夜欲與公講論一宵咨諏請益 小外 元
帥坐籌幃幄決勝千里必有成謀但兵貴神速
師出不意亦一奇也 外 太尉言之有理

刮鼓令分符出漢關駕元戎據玉鞍麾鈇鉞奮鷹
揚亟圖報君恩一寸丹以太尉神武謀畧爲之輔

佐刘石不足平矣匡輔荷英賢持危賴君神機妙
算我和你此去呵管教三箭定天山獻俘齊奏凱
歌還 小外 元帥你身當虎豹關把乾坤早斡旋奮
威武衝鋒冒險向黃龍繫可汗下官樗櫟之才豈
足爲元帥副伴食我應慚何幸作西樞翊贊元帥
爲須取日返虞淵播遷天子駕重還 小外 夜已二

更神思困倦且枕戈少憩片時 外 左右你去擊

柝巡警我與太尉抵足一宵 枕戈睡介丑末同

巡更介丑 老哥我和你夜夜巡更風雨四侵蚊

五更怨
你且唱個歌兒耍子何如

五更怨
深更悄風雨多腹餓筋疲怎奈何幾許銷
金共鴛枕雲雨會那知漏下有更夫擊柝歌

末方

纔雨下如今又有月了新月掛曲如鈎照見窮閭
幾處愁多少紅樓長夜宴歡娛甚獨教辛苦執更

籌恨悠悠

鷄鳴介丑末

呀更籌尚未換怎的鷄鳴

了外醒跳小外足介

太尉午夜未央異風未動

卽聞此聲豈非惡聲耶可怪可怪
小外下官方

在朦朧聞之以覺此乃乾坤倒寘萬物失序之
象也可嘆可嘆

外

迺鼓令荒雞午夜傳忽驚回客夢殘爲只爲乾坤
顛躓蹇蹇孤臣睡怎安我終夕思茫然攬衣起徬

徨待旦

舞介

欲待要仗劍斬樓蘭燕然勒石紀功

還

小外

邊烽晝夜傳苦遭逢國步艱怎能殼輿圖

清晏漢官儀何日看王都督這等奸佞之徒呵空
自戴蟬冠叨竊君恩當知愧赧此行瀝酒爲誓若
不稽顙至呼韓玉關此去不生還

外

大尉淮漢乃

洛陽咽喉欲得中原必先取河北公當速將一
旅之師先去按視地形便宜行事下官隨當繼
發小外領命卽行元帥世方多故如欲戡亂經
邗非賢才不可下官有妹夫温嶠故河東郡守
温瞻之子也文武兼資管籥之亞敢薦爲幕賓
何如外既有良弼明日卽當保舉爲總兵司馬
賁詔徵聘

外枕戈不寐覺淒涼小外中夜聞雞起欲狂
外欲使呼韓來嵇顙合須教諸葛起南陽

第十四齣

淨扮石勒上

西地錦一旅奮揚邊地千載開創洪基英雄自合
居天位功德可配唐虞黻冕端居九五尊應天御

世闢乾坤九金神鼎初歸我五玉諸侯盡在門
寡人自收中州之後王師到處無不歸降近從
羣臣之請立居天王之位國號大趙建都洛陽
昨聞刘曜竊據關陝亦自称王如此僭妄誠匹
夫之勇井底之蛙耳俟彼數年吾當問其鼎矣
又聞司馬睿卽位建康內有周顛王導輔弼之

臣外有祖逖刘琨熊虎之將此亦勅敵不可蔑
視不免召謀主張賓勇將石生石虎定議則個
外扮張賓上

前腔 決勝廟謨雄斷料敵方寸神機 丑扮石虎石

生同上 倚天長劔泣蛟螭那怕金壘湯池我王萬

歲 淨 右侯我昨披輿地圖四海如此其廣何時

可一天下乎 外 告大王順德者昌逆德者亡欲

一天下當順民心古之王者在德之厚薄不在

地之大小 淨 卿言極是我如今欲破刘曜計將

安出 外

東甌令 大王聽告晉家魚肉爰失其鹿天下英雄

相競逐 刘曜呵 雖然掩襲倖先得未必民心服吾

王威武華夷属一怒皆懾伏 淨 刘曜兵强地險恐

未易破 外 刘曜耽嗜麩蘖綱紀廢弛雖據関中濟

得甚事他是個公孫木偶修邊幅大王視彼真如

几上肉若令大衆臨函谷勢應如破竹管教他輿

櫬口啣玉稽顙作臣僕 淨 刘曜若擒江東用何術

以破之 外 江東帶甲百萬江漢爲池君臣輯睦恐

未易破江東雖小承正朔終作三分爲鼎足况兼
天塹限南北盤基恐難覆大王若要圖之只須迭
出三軍蚕食吳和蜀淨軍師智勇勝頗牧廟算皇
猷常啓沃我推赤心置人腹遣將自推轂石生石
虎你須努力收疆服酬功賚天祿石生石虎你二
人武勇高天下今日在我跟前把行陣的本事
各逞一番以觀汝二人將畧何如未告大王戰
以克敵爲功凡用兵布陣須要自度權衡敵爲
火陣我爲水陣以水制火彼必敗矣敵爲地陣

我爲天陣以天臨地我必勝矣生地則山魚麗
之陣死地則出雲鳥之陣衢地則用八卦之陣
圍地則用六花之陣增灶減灶方畧不同囊沙
量沙動靜莫測孫子曰兵未戰而妙筭勝者得
筭多也將通於九變之利者知用兵也淨好智
畧石生說丑告大王兵以敢死爲勇凡用將對
敵必須先作勇氣則寡可勝衆弱可制強七縱
七擒能破貔貅百萬八戰八克那怕虎賁三千
蜀劔閣只消空拳打開函谷關擬把靴尖踢倒

挾太山而超海只作尋常舉九鼎而拔山豈足
爲異擒了司馬劉曜回來方顯功業英雄蓋世
淨好勇畧你二人果然勇足以當鋒智足以取
勝滅晉除劉易如反掌右侯我就拜你爲軍師
石生石虎爲大將一同提兵前去先定關陝後
取江東務要協力同心建功立業不可有違
衆
領旨

金錢花披堅執銳離營離營貔貅彪虎雲從
管教一戰陝城空擒劉曜定關中
合傳露布返先

戎返元戎

衆

喧天鼙鼓聲雄聲雄師行誰敢當鋒

當鋒一枝長戟六鈞弓摧函谷定江東

合前

身馳

鐵騎臂彤弓出塞將軍玉帳雄九姓羗胡隨制

節六州部落互相攻

衆下淨吊場

大軍啓行萬

機稍暇不免宣出二姬玩賞一番多少是好肉

史請二位夫人出來

旦老旦上

金瓏承恩居未央羅衣染惹天香携柘袖諧宮

商綸音方召幸忙整金釵雙鳳凰趨殿陞侍君王

我王萬歲

淨

二妃我連日畱心軍旅失了掖庭

之樂今當人間晝永薰風入絃召你二位出來
翫賞片時以消炎暑 旦老旦

山花子 珠簾高捲金鈎控御爐香噴烟濃烈炎威
不到九重南薰樂沸絲桐 合 迤酒介 瀉瓊霞光浮

碧筒六宮粉黛擎玉鍾百寮濟濟待袞龍萬歲嵩
呼共祝華封 淨 深宮悄似朱明洞玉壺冰簟生風

見祥雲瑞氣鬱葱火龍任自騰空 合前 旦老旦 妾

身幸遇宸恩寵昭陽殿裡從容喜羊車時過後宮
御溝何用題紅 合前 宵衣旰食身端拱傾心延攬

英雄念征人衝冒鏑鋒何時奏捷膚公 合前

舞霓裳 旦老旦 謾束湘裙舞回風回風樂譜新腔

喜溢重瞳重瞳吾王聖德威聲重萬國遍朝宗於
變時雍 合 齊看取華夷一統河清晏航海梯山盡

修貢 淨 曉入瑤臺遇飛瓊飛瓊緩步金蓮環珮玲
瓏玲瓏歌聲響遏行雲迥明月上簾櫳沉醉還宮

合前 旦老旦 更闌人醉大王請進椒房

淨 銅壺銀箭漏聲催 旦 飛燕昭陽待宴回

老旦 珠翠兩行齊侍駕 合 羊車輓入後宮來

第十五齣 生上

一剪梅槐棘陰濃翠滿庭簾捲風清爐爇香清掩
書俯几憶平生刻鵠初成畫虎還成浣溪沙年少
英雄七尺軀學書學劍欲何如至今滄海尚遺
珠○心驚萱室時偏短暗想中原勢已危避兵
何地可安居俺晉朝自從宗室相殘五胡分擾
神州陸沉瑯琊南渡温嶠身雖草莽志存恢復
爭奈高堂母老幽室妻單喜惧交戰于心出處
未致其決正是欲伸赤手扶紅日恐斷青眸望

白雲

懶畫眉中原戎馬亂縱橫每見妖星氣不平平生
有志復神京須教挽却天潢水洗淨山河戰血腥
又欲揮神劍斬長鯨擬絕天驕拔漢旌只因日暮
念萱庭孤雲恐切河陽望且韜迹辭榮暫隱名外
扮使臣賫詔并冠服上

六么令一函綸命雨露霑霑日月明爭看莘野起
阿衡佐聖主寄干城合行看四海樂昇平聖旨已
到新官冠服迎接生穿衣跪介外讀詔介皇帝

詔曰朕惟天位惟艱必賢才斯可輔理邦家多
難非俊髦孰與經綸我祖宗續禹舊服奄有華
夏傳世五君代無失德茲因骨肉乖離以致羗
胡雲擾宗社失守大帝北轅朕自渡江已來苦
心焦思不遑寧處今欲招來天下豪傑尅日北
征期於洩忿殲胡重援溺轍前者鎮西大將軍
祖述奏稱太原温嶠才兼文武學貫天人實有
禦侮之才堪作腹心之將朕准奏宣麻封尔爲
總兵司馬赴鎮聽調尔當体朕宵旰求賢之誠

分猷報主是力勤勞夙夜匡國救民倘俾大讐
得復王業中興朕當分茅錫土崇德報功欽哉
持命望闕謝恩 山呼介外 温大人邊境告急便
可就道弗可愆期 生 朝廷恩命不敢有違卽當
辭別母妻起程便了

外 羨君談笑出風塵 生 叨受兵符寵渥新

未 鵬鶚九霄初奮翮 合 行看功業盡麒麟

第十六齣 旦上

謁金門空留戀指日河橋人遠漫把鴛鴦輕拆散

從今添個思君怨生上堪嘆青錢入選名利牽人

一線合母子夫妻情分淺兩意難排遣旦相公君

命召固當不俟駕而行親年老豈可便違顏而

去生夫人親恩固所當盡君義亦不可違老母

在堂專望賢妻小心侍奉卑人若有寸進便當

整飾西還不敢久戀上國旦朝廷既有詔聘奴

家不敢阻當不知起程在於何日生邊事緊急

就去堂上辭別母親岳母即便起行老旦上

臘梅花我孩兒應聘赴神京頃刻天涯形影貼上

看驛驕方騁鴟鵬奮迅扶搖萬里上雲程生母親

子道未能全王事苦閒閑老旦孩兒窮經須濟

用憂國義當先貼賢婿丈夫四方志鄉井莫留

連旦相公但願功成後錦衣及早還老旦孩兒

朝命既促登程須早生母親孩兒本欲困守窮

閭供為子職只為羽書逼遣無可奈何今日只

得促裝前去母親岳母善保尊体切勿掛懷

園林好離膝下游子違親事遠征離膝下脂車啓

行只慮着桑榆暮景合裏曲裡結愁城旦君今去

冷落了金釵繡屏君今去心懸旆旌只怨我紅顏
薄命 合前老旦

江兒水你仗劔丹心壯我衰顏兩鬢星臨行怎禁
得離愁耿兒你駕着星車長塗騁我倚門空覓孤
鴻影孩兒此去呵你好把長纓奏請 合 早愿功成
衣錦歸來重歡慶 貼 賢婿你立身期遠大報國任
縱橫濟時早把國鈞秉賢婿我孩兒見統兵在河
北見時千萬教他戮力王室切勿以老身為念論
事親雖合全孝行許國尤當據忠蓋 生悲介 賢婿

大丈夫當立功異域何必顧戀鄉閭豈可藏居

鄉井 合前旦

五供養叨陪妾媵中饋養殮自合應承夫我只愁
関山和峻嶺陟險冒炎蒸未卜狼烟甚日平嘆別
離在俄頃執手慇懃問何日是歸程 合 別淚盈盈
憂心炳炳 生 賢妻啓聽我須不是浪裡浮萍肯飄
飄流異境忘却屢屢情母親岳母非我違顏干利
名只因難拒皇朝的三聘妻白髮堂前母望你代
溫清 合前末丑扮軍士執旗上

不是路按劍登程軍士紛紛郊外迎兵車整羽書
催趨不留停授專征朝廷欽限休違悞告請將軍
早啓行小人奉祖元帥嚴命請司馬老爺赴任交
傳命道中原豺虎紛岐徑仗君綏定生老旦聞罷
傷情唱徹驪歌不忍聽旦心悲哽牽衣把臂淚如
傾形和影從今兩地傷孤另愁浥輕塵向渭城生
還思省慈幃遠隔斑衣冷旅愁千頃軍士你可去
河邊等候待我告別老夫人就來了末丑領鈞
肯正是戰士離家心獨苦將軍赴鎮勢偏雄下

生母親有何指教老旦孩兒近前來我分付你

玉交枝運籌決勝料吾兒韜畧素精臨戎敵愾宜
奮勇恩威賞罰須明功名及早辭寵榮高堂風燭
渾不定合莫教人門閭獨凭生萱庭嚴命孩兒自
當服膺此行須展平生志決不敢曠職徒行此去
呵中原板蕩如已寧陳情辭祿還歸省合前旦

川撥掉夫你囊錐如脫穎把歸鞭須早整休要戀
着鍾鼎蟬纓鍾鼎蟬纓忘却我裙釵布荆君當牢
記玉鏡之盟母使妾有白頭之嘆須記取結髮盟

莫教羞白頭愁破鏡生妻與你糟糠盟訂念這宋

弘敢負情

出鏡介

卑人若忘前情有如此鏡便把

這菱花爲証菱花爲証偕老深盟誓不更我生平

非薄倖勸娘行莫掛縈母親岳母此間就是河邊

了就此告別

老旦

孩兒爲官雖是好事只是母子

之情一時間舍不得你就去你六月棲棲冒暑行

我的心中渾似冰只怕你留滯邊城留滯邊城朝

夕使我望眼睜况我窮年值暮齡遠游人當自儆

生泣拜介

兒非爲忠名遺孝經非不念慈親在疚

惇但只愿顯親揚名顯親揚名我故奉檄違顏敢

受徵孩兒登舟去罷

老旦

孩兒且慢你去端的幾

時回來

生

母親在堂豈敢久游料不久還具慶別

吾慈策步登

生下絕裙介老旦泣介

呀衣裙斷了

逆子你這等去得忙

且泣介

夫你徑不回頭就

去了呵

貼

親母他也只爲王事要緊不要怪他

且自耐煩回去罷

餘文愁慼慼淚盈盈可憐骨肉兩漂零江山咫尺

分吳越腸斷閑河信杳冥

王金臺言
老堪憐絕裾便登舟

貼王事多艱不自由

旦心折此時無一寸

合滿腔離恨逐西州

第十七齣

生上

望遠行欽承恩詔驛騎忙馳驟

外扮戴淵上

碧落

初開殘蟾猶照忽聽前林呶啞雞聲頻報

末丑

盼

星繩何日轅門得到

見介生

蹈沙行獫狁侵陵王

師薄伐勤王六月征車發思親回首戀家山憂

君極目瞻天闕

外

金谷榛蕪乾坤幅裂塵埃滿

目人情別風雲入陣塞烟清收功直擬窮狼穴

生大人何往

外

下官戴淵亦爲奉詔勤王

生

既

如此卽當聯旆同行戴大人溫嶠昨承詔命卽

便戎服登舟臨岐之際母親扯住衣服自家匆

促別時不覺裾絕今日細思想此情如何過得

外溫大人始於事親終於事君公義私恩豈能

兼盡聞尊堂太君年齡未衰足下畢了王事回

來奉養未爲晚也

生

大人說得是如今天色漸

明趨行幾步

生

甘州歌我心懷國憤奉勤王詔命遠赴轅門胸中

蘊藉盡是兵甲經綸披星戴月馳邊塞執銳披堅

掃虜塵合驅驃騎驟虎賁征車日夜不停輪雲烟

渺岐路分江潭何處是通津外祝融烈火雲見扶

桑旭日擁出金盆征衣汗透空思解愠南薰開山

渺渺愁遠道烽火年年報虜塵合雙龍逝五馬奔

長蛇封豕峭成羣囊沙地聚米屯風聲鶴唳不堪

聞生平生許國身念登舟絕裾母子輕分赤心一

點恒自憂國憂民外六飛杳杳歸何處兆庶紛紛

困虜塵合胡風兢國步屯漢家陵寢遍荆榛乾坤

沸玉石焚荒涼銅雀鎖愁雲末荆樊嘆陸沉看舳

艫煨燼橫槩誰吟松杉遠近何處是天闕神京丑

指揮白羽驅胡騎直向黃龍靖虜塵合烟郊暮隴

日曛餘烽野燒暗驚魂丹心壯劔氣橫何時傳檄

定三秦

餘文秉旌旄臨戰陣郵亭此夜暫停驂報國縱橫

七尺身

生劉項持兵鹿未窮外路邊戈甲正重重

末將軍奮力勤王事合奪取龍驤第一功

第十八齣 老旦

憶秦娥長悲嘆天涯游子音塵斷倚門慈母淚痕

如線旦上春山懶掃香雲亂起來謾把珠簾捲空

階墜葉晚風吹散老旦玉樓春夜來風雨人傷別

淒淒四壁聞蛩咽夢破五更心欲折笛聲吹落

梧桐月旦碧空杳杳雲山疊秋波望斷雙魚絕

美人遙憶隔湘江一寸柔腸千縷結老旦媳婦

自從孩兒去後雙鬢垂白百慮成灰追想前日

絕裾之事養子也是徒然旦婆婆王事靡盬不

遑將母丈夫那日也只是急於王事故有此愆

老旦忘家狗國理固當然只是我一時放心不

下旦丈夫功名成就必然辭祿歸田婆婆不必

掛念老旦孩兒去後又是二月途路風霜山川

阻隔令人朝夕倚閭懸望好愁悶也呵

傍粧臺愁倚畫欄中中原極目遙隔萬山重嘆胡

虜方騷動怎得個信音通見你親老家貧期祿養

早建班生萬里功合事親盡孝事君盡忠休教虛

負學三冬旦彩雲天遠鳳樓空幾多幽怨唯積在

心胸愁感損雙眉黛
泪濕透兩綃紅
何時細柳休
兵甲早使扶桑得掛弓

合前老旦

下山虎去時南陸忽轉西風
懊恨征車發離緒
一纓兒你要把乾坤旋轉
致令母子西東
往事空嗟
類轉蓬韶光看瞬息
金井驚飛一葉桐
清夜勞蒐
夢愁憾倍濃
尺帛何由倩便鴻
旦夫你櫛風沐雨
冒鎬衝鋒
汗馬沙場上
白日貫虹
怎能殼天驕
授首早使稱奏膚功
猷捷歸朝
萬戶封竊祿承天寵
夫只怕你忘却糟糠嗜鼎鐘
苦我這裡釵折羞雙

鳳縱有膏沐呵誰適爲容腸斷巫山十二峰
餘文堪嗟聚散如春夢
無情流水自溶溶
載不得萬恨千愁到海東

旦入夜西風枕簟秋
旦感時傷別思悠悠

旦倚門望斷無消息
合一曲欄杆一曲愁

第十九齣 外扮祖元帥上

夜游朝職掌元戎居台輔秉金符宸闕恩崇北門
鎖鑰中流砥柱擬作皇家霖雨淮海藩維一老臣
兵符三授荷君恩指揮軍事回天地訓練強兵

動鬼神祖述自鎮守雍丘已來且喜士卒調和
華夷宣化後趙鎮戍相繼率部曲來降第恨大
讐未報中原未復難共戴天前者刘太尉舉薦
妹夫温嶠朝廷下詔徵爲司馬聞此子文武備
足有牧民禦衆之才刘越石真能違衆舉親温
太真可謂不負所舉矣俺如今要收河北已遣
越石先行只等司馬來到拔寒起程兵校温爺
怎生不見來到伺候着 丑末 啞 生上

番作筭擁衆挾彤弓戮力驅胡虜腰橫長劔氣冲

霄期雪永嘉耻温嶠蒙聖恩除授總兵司馬督府
叅軍這里正是元帥帳下兵校每通報着 相見

介外 刘越石數言足下智勇才畧超今邁古今

幸得拜下風請教行師之道何如 生 告元帥行

師之道以節制仁義爲先攻擊不足以當節制

節制不足以當仁義務要先明分數使兵識將

意將識士 生 有不戰戰必勝矣 外 請教臨陣之

法何如 生 兵 以能知虛實識地形爲上先處戰

地而待敵者逸後處戰地而趨戰者勞故善戰

者逸能勞之安能動之出其所不趨趨其所不
意攻其所不守守其所不攻臨陣之法無過於

此外高論高論俺雍丘南有劉曜北有石勒二

虜聲勢甚振將何計以破之生劉曜石勒外雖

相親內實相妬元帥要除此二豎須先遣辨士

說使乖離俾自爲攻戰元帥徐與問罪之師塞

住喉咽絕其糧運以收漁人之功此所謂用夷

攻夷之術也外足下妙筭正合吾意就此板寨

渡江便了外

四邊靜

渡介司馬只因先皇不聽禦戎之論故有

今日羗氏種落居京城冠裳累胡族狼虎入庭除

神州遂沉陸

合

皇庭失鹿羣夷競逐我和你報主

盡忠丹捐軀誓恢復

生

想我朝之禍呵內庭喋血

相魚肉外夷肆狼毒元帥經畧藉雄才中興可先

卜

合前外

金符分闡承推轂孤臣志彌篤温司馬

祖逖今日擊楫爲誓若不清中原而復濟者有如

此江與你擊楫渡中流誓收舊疆服

合

調和玉燭

維持鈞軸若不復中原空教竊君祿

丑末

旌帆千

里揮臚舳操戈舞雙纛奮勇敢爭先兵機貴神速

合前告老爺風順帆速舟行如飛瞬息之間已抵

北岸外迅利如此助若有神足見佳兆矣生軍

士暫且上岸屯營明日議圖進取外江陽空濶

謹防斥埃丑末領鈞旨

福馬郎大帥桓桓嚴部曲背水屯營沿江設伏怎

禁得霜征并露宿合你看狐兔遍陵谷桑田滄海

盡翻覆丑策馬彎弓持利鏃泣血裹瘡曾無惧劔

幸喜中原今有頗牧合前外已遣刘越石取淮北

今司馬進兵淮西二將夾攻以逼中原

外決勝今朝共運籌生安危須仗兩分憂

丑分明會得將軍意末不斬婁蘭誓不休

第二十齣末扮郭璞上

羅浮道士誰同流草衣木食輕王侯世間甲子

管不得壺裡乾坤只自由郭璞表字景純河東

安喜人也幼習經文書窮堯典舜典長通卜筮

學究先天後天參透聖域賢關洞達天根月窟

師郭公而得青囊真個五行藏智府慕長房以

諸縮地果然千里在目前一粒粟中藏着三千
世界半瓢水裡包涵萬里山河推禍福定吉凶
因此識彼決興亡測窮達卽始見終鬼谷孫臏
何足筭也君平左慈吾豈讓焉賣卜至長安莫
解吾曹秘術觀光來上國誰知瓢裡仙丹正是
三醉岳陽人不識朗吟飛過洞庭湖徒弟趙戴
過來丑師父有何分付未徒弟我昨仰觀天文
俯察地理見七馬負圖中土合遭板蕩一龍跨
海江東定見中興將星芒赤王天將有災天狼

鬣明必強臣內叛今祖士雅握兵在外王處重
專權於內天之所兆其在此二人矣又知温太
真明日興兵渡淮牛渚磯中水族多怪恐有覆
舟之患我和你賚帶通天犀角往軍前教他燃
照水族自然畏避舟楫無虞矣丑既如此就請

啓行未

沽美酒我御雲軒下碧虛採嵩山九節蒲袖拂青
鸞駕羽鳧朝北海暮蒼梧入洞府畫江爲路跨玄
鶴籠霄捲霧設香餌銅盤釣鱸開寶鼎丹爐燒兔

火出龍水中生虎

合

嘯蓬萊日月長滄海任教枯

我的容顏長長如故

丑

俺昨日乘風出九遠又飛

身渡五湖縮地潛形入藥壺歌白鹿握丹符掣金

蛇羣魑奔怖九龍瓢甘雨時需五色石蒼天可補

看世人殘疾鬼軀怎學得俺長生衡宇

合前

青山雲永裡

此地是吾家

一瓢藏宇宙

三尺斬妖邪

第二十一齣

淨丑扮水怪上舞介末扮魚頭使者上

衆水怪聽吾號令自家奉水母娘娘嚴命今後

如有過河者俱要豬羊祭賽若不祭賽風浪覆

舟不許有違

同下生上

陽關引文命拜中郎溫省分符節長驅虎隊出江

淮探狼穴

淨丑

虜窟滿荒郊烽火連三月是何時

哀笳聲斷邊塵滅

生

嗚嗚塞笛起征鴻獵獵旌旗

颯曉風千里烽烟愁焰黑兩淮血戰杵漂紅心

悲鼓角丹心壯影動龍蛇劔氣雄擬向圍場盡

狐兔元臣重建貳師功下官昨承祖元帥嚴命

教我分兵去取淮西來到此間就是牛渚磯了

叫兵技艤船等待就要過淮丑淨告將軍艤艫

巨艦俱已齊備就請登舟生既如此可傳各哨

練兵官部領軍馬上舟淨丑領鈞旨未扮郭璞

上騰空出蓬島縮地到江淮郭璞今日爲溫司

馬欲渡牛渚磯特來燃犀助他免致傾覆這里

已是軍前不免進去相見生道者何來高姓大

名未河東郭璞就是小生生久仰芳名未獲荆

識今蒙屈駕下顧必有良謀見示未郭璞從游

赤松久謝塵事見將軍忠誠體國特來輔導此

聞水族多怪舟行不穩帶通天犀角與將軍燃

照水底可使蛟蜃潛形風平浪息舟楫無虞生

此間果有怪物麼未怪物委的是有將軍如或

不信待小生點起犀角照與你看燃犀介諸怪

上舞介衆呀只見奇形異狀鬼馘神妖赤羽緋

袍素車白馬往來奔竄於水涯好怕人若沒有

這位真人救護險些兒被他害了生你也說得

是郭先生如今船可行了未且慢着待小生書

一符投入水中壓他待諸怪潛踪滅跡方可行

舟書符投介衆呀好怪好怪方纔這些妖魔見

真人這靈符怎生就不見生水怪既平放舟前

去

朝元歌揚帆海隅破浪過牛渚身似憑虛漂泊隨

波邈你看隊隊旌旄層層樓櫓我待把神州撐住

驅石中流迎還二龍歸鼎湖跨海淨狼胥凌波拯

溺輿合三軍飛渡齊要去奮威耀武淨幾載臨戎

禦侮驍雄赳赳武鳴劔志伊吾齧雪食風沉舟破

釜敢辭金革苦死馘生俘長鯨短狐皆剪屠塞北

望來蘇諸番空穴居合前丑挾取長戈勁弩憑河

捋虎鬚踴躍志貪胡旂炫蛟龍闕如虓虎須效着

鷹揚尚父千里旌旗長江一望皆舳艫你看風順

帆輕邈流西下好迅利也呵看蘭漿似輕鳧濤平

如坦途合前末辟穀食霞吸露生涯一鉢孟羽化

住蓬壺辭却蟬纓棲身豹霧我特御風軒翥超海

燃犀湖蛟海醜擲劔誅生先生如今何往末我拂

袖返天衢清風吹步虛速下遺簡帖介生呀郭先

生怎麼忽然不見了淨丑郭真人騰雲去了遺

下簡帖在此 生看介 元來是西江月一首此乃

仙人指點之意 讀介 西江月二帥功聯南服三

夷鋒挫北陞五原一夜墜南箕兵甲蕭牆復起

○落幘王臣效義俘囚烈婦堪悲樂昌寄遠復

完歸南北旋車重會細觀此詞前二句說二帥

功聯三夷鋒挫者此必我與越石舅同破張賓

石生石虎之驗也後句不可盡曉將來必應留

此以為他日之驗軍校船到岸了未 衆 告老爺

船已傍岸了 生 分付管兵官上岸安營明日交

戰 衆 領鈞旨

生 牛渚淨妖魔 淨 清淮異汨羅

丑 斜陽幸無事 合 沽酒聽漁歌

一鏡臺記上

終

玉鏡臺記目錄

卷下

第二十二齣

閨思

第二十三齣

石勒報敗

第二十四齣

寄家書

第二十五齣

得書

第二十六齣

王敦反

第二十七齣

召太真

第二十八齣

擊憤

第二十九齣

丹陽兵報

第三十齣

拘温家屬

第三十一齣

繫獄

第三十二齣

獄吏相戒

第三十三齣

獄中寄書

第三十四齣

拆書見鏡

第三十五齣

敗王舍

第三十六齣

擒王敦

第三十七齣

蘇獄

第三十八齣

賞雪

第三十九齣

南北凱旋

第四十齣

完聚

三金臺記

三金臺記 下月二

三
金
臺
記

玉鏡臺記目錄



